

Հավելյալ լին արա, ջուրը գցիր՝ մի օր առջևդ կգա:

# ԲԱՐԵԳՈՐԾ

ՊԱՇՏՈՆԱԹԵՐԹ «ԳՈՒՐԳԵՆ ՄԵԼԻՔՅԱՆԻ՝ ՔԱՇԱԹԱՂԻ ԲԱԶՄԱԶԱՎԱԿ ԸՆՏԱՆԻՔՆԵՐԻ ՀԻՄՆԱԴՐԱՍԻ»

BAREGORTS 2022, № 4 (56) БАРЕГОРТИ

## ՀԵՐԹԱԿԱՆ ՈՒՂԵՎՈՐՈՒԹՅՈՒՆ ԴԵՊԻ ԱՐՑԱԿ

Հիմա բազմակի դժվարացել է, եթե չասենք անհնար է դարձել դեպի Արցախ երկկողմ երթևեկությունը. պատկերացնենք՝ աղբրեջանցի սաղրիչներ, որ ռուս խաղաղապահների՝ հաճախ անգոր աչքի առաջ ամեն րոպե կարող են փակել կամ կտրել Լաչինի միջանցքի՝ Արցախը Հայաստանին կապող միակ կյանքի ճանապարհը: Բերձորը շրջանցող նոր բայց վտանգավոր այդ ճանապարհին արագորեն կառուցվեց և պայմանաժամկետից շուտ շահագործվեց, որովհետև անցնում է մեզնից գրավված բարձունքներում տեղակայված աղբրեջանական կրակակետերի տակով:

Դա արվեց նաև ռազմավարական կարևորագույն հանգույցը՝ Բերձոր քաղաքն Աղբրեջանին հանձնելու նպատակով: Ռազմավարական կարևորագույն նշանակությամբ այդ քաղաքով ու նրա շրջակայքով են անցնում Հայաստանից Արցախին մատակարարվող գազի խողովակաշարը, բարձրավոլտ էլեկտրական հոսանքագիծը և ինտերնետային կապ ապահովող մալուխը, ինչպես և Շուշին մատակարարող խմելու նոր ջրատարը: Ինքնին հասկանալի է՝ սրանք ևս անցան թշնամու վերահսկողությանը, և հիմա տմարդի Բաքվի «բարեհաճությունից» է կախված՝ Արցախում հոսանք կլինի՞, թե ոչ, գազ կլինի՞, թե ոչ, ինտերնետային կապ կլինի՞, թե ոչ:

Այս պայմաններում արդեն մի քանի անցակետերում ռուս խաղաղապահների՝ անձը հաստատող փաստաթղթերի և ուղևորների ինքնության ոչ հաճելի ստուգումները ավելորդ ձևականություններ են:

Բայց որքան էլ դժվար լինեն ճանապարհի անհարմարությունները, հայ մարդը իր տուն է գնում, և արհեստական արգելքները անհաղթահարելի

խոչընդոտ չեն կարող լինել: Առավել ևս, երբ հոկտեմբերի 23-ին մեր Արցախ ուղևորությունն իրականացվում էր գյուղական սահմանապահ դպրոցների ուսուցիչներին դրամական պարգև հանձնելու հաճելի պարտականության նպատակով:

Այս անգամ մեր ուղեկիցը կանադահայ Արտո-Պերճ Մանուկյանն էր՝ Թեքեյան մշակութային միության Հյուսիսային Ամերիկայի և Կանադայի մասնաճյուղի ներկայացուցիչը:

Դեռևս անձանոթ էինք: Նա մեզ միացավ Եղեգնաձորում: Հենց ավտոմեքենայում հասկացանք, որ նա հաղորդակցվող, հաճելի գրուցակից է, և ամբողջ ճանապարհին չզգացինք, որ Արցախ ենք մեկնում օտարաբնակ կանադացի հայի հետ:



Ծրարներ, որոնք պարունակում էին նշված բանակով ուսուցիչներին տրվող դրամական պարգև-հավելավճարները



*Քարեգործական պտուղներից մեկը: Մեր պատվիրակությունը "100 տուն Արցախում" ծրագրով Երևանի պետական համալսարանի կառուցած տան բակում*

Մի խումբ էինք, մի մարդատար մեքենայի ուղևորներ, մի ազգից էինք միասնական, մեկ նպատակով: Երկա՛ր, դյուրապտույտ ճանապարհը տանում է հայրենակիցների՝ հարազատների մոտ: Իսկ հարազատները, որոնց բազմիցս էինք հանդիպել, Մեծ Շեն, Հին Շեն, Լիսագոր, Եղցահող, Դահրավ գյուղերում են (մինչև թշնամուն հանձնելը նաև Աղավնո գյուղում), ուսուցիչներ, որոնք դժվարին պայմաններում, թշնամու լայիք ու սաղիչ հայացքի տակ հերոսաբար հայ երեխաներ են կրթում ու դաստիարակում հիշյալ հայ գյուղերի դպրոցներում:

Այս անգամ ուսուցիչներին դրամական պարգև-հավելավճար տրամադրել էր Թեքեյան մշակութային միության Հյուսիսային Ամերիկայի և Կանադայի մասնաճյուղը: Գյուղական համայնքներում ամեն ուսուցիչ առանձին ծրարով ստացավ իր պարգևը, և հանձնողը մեր հյուրն էր՝ Արտո Մանուկյանը, ում վստահված էր այդ հաճելի պարտականությունը: Նա իր գմայելի արևմտահայերենով ուսուցիչներին բոլորիս ներկայությամբ հորդորում էր մեկ առ մեկ ստուգել ծրարների դրամական պարունակությունը:

Զնայած հնարավորությունների սակավությանը՝ սրտաբաց, հյուրասեր ու պարզ մարդիկ են արցախցիները, անկեղծորեն հրավիրում են իրենց հարկից ներս, բայց սուղ ժամանակը թույլ չէր տալիս ընդունել թախանձազին խնդրանքները: Մինևույն է՝ հնարավոր չէր լինի խուսափել Դահրավ ու Եղցահող գյուղերի հյուրասիրություններից:

Արցախյան քառասունչորսօրյա պատերազմի հետևանքով Հաղորթի ու Շուշիի շրջանների և այլ վայրերի տեղահանված տնազուրկ արցախցիների համար է Դահրավ գյուղում իրականացվում «Հարյուր տուն Արցախում» բարեգործական ծրագիրը:

Եղանք նաև Դահրավի՝ մեր հիմնադրամի միջոցներով հիմնանորոգված մշակույթի տանը, որը

ֆինանսավորել են Մեդիկ և Թիմիկ Մարտիրոսյանները:

Առանձնապես տպավորիչ էր մեր մուտքը Եղցահող, որը կայացավ համայնքապետ Արտակ Հակոբյանի օժանդակությամբ: Սովորաբար նրան հանդիպողը չի կարող Եղցահողից հեռանալ առանց հյուրասիրվելու: Արդեն ո՛րերորդ անգամ նա պատշաճորեն ընդունեց մեզ իր հյուրընկալ հարկի տակ՝ արցախյան բնաշխարհի բարիքներով ծանրաբեռ սեղանի շուրջ: Ամեն ինչ տնական էր ու բնական, սակայն ուտելիքներից ու ըմպելիքներից համեղ էր և իմաստալից զրույցը, որ ծավալվեց ընտանեկան ջերմ մթնոլորտում:

Հանելի ուղեկցին՝ Արտո Մանուկյանին, Երևանում



*Դարհավ գյուղի դպրոցի ուսուցիչների միջավայրում: Նրանք գերադասեցին լուսանկարվել փառքի սրահում՝ հայրենիքի ազատության համար նահատակված հերոսների հետ*

հրաժեշտ տվեցինք նորից հանդիպելու ակնկալիքով:

Ուղևորությունը բոլոր մասնակիցներին՝ Գուրգեն Մելիքյանին, Արտո Մանուկյանին, Մամվել Մուրադյանին և Աշոտ Պողոսյանին պարգևեց անմոռաց տպավորություններ:

Արցախի վտանգով լի գյուղերում անձնվիրաբար գործող բոլոր ուսուցիչները շնորհակալ էին Թեքեյան մշակութային միության՝ իրենց ուշադրության արժանացրած ազգակիցներից, ինչպես և «Գուրգեն Մելիքյանի՝ Քաշաթաղի բազմազավակ ընտանիքների հիմնադրամին»՝ դեպի Արցախ այս ուղևորությունը կազմակերպելու համար:

Կանադացի մեր բարեկամ Արտո Մանուկյանին ճանապարհելուց մի քանի օր հետո ստացվեց «Պայքար» շաբաթաթերթում տպագրած նրա նյութը, որի լուսապատճենը ստորև ներկայացնում ենք «Բարեգործի» ընթերցողներին:

## «ԹԵՔԵՆԱՆ»Ը ԿԸ ՀԱՍՆԻ ԱՐՑԱԽ

Հոկտեմբեր 22 եւ 23 ին փրոֆեսոր Գուրգէն Մելիքեանի ղեկավարութեամբ եւ մասնակցութեամբ փրոֆեսոր Սամուէլ Մուրատեանի եւ Գանատայէն ԹՄՄ-ի Կեդրոնական Վարչութեան ներկայացուցիչ Արթո Մանուկեանի առաքելութեամբ մը ուղղուեցաւ Արցախ:

Փրոֆ. Մելիքեանի այսպէս կոչուած «Գուրգէն Մելիքեանի Քաշաբաղ բազմազան ընտանիքներին հիմնադրամի» հերթական այցն էր Արցախ:

Առաքելութիւնը միտում ունէր Արցախեան հինգ գիւղերու ուսուցչական կազմերուն հասցնել նիւթական օժանդակութիւն:

Առաւօտեան Երեւանէն մեկնելով, կէսօրէ ետք հասանք նախապէս ծրագրուած գիւղական մեր այցելութեանց:

Յուզմանայից ճամբորդութիւն մըն էր, որ կը կատարէինք, Հայաստանէն բաժնուած Արցախ կ'ուղղուէինք, նորակառոյց ազերիական ճանապարհով, որ կը տեսնէինք յանձնուած դատարկ ու հայկական հիմնադրամի միջոցներով մեր կառուցած Բերձորի նըրբանցքը՝ տեսնելով բարձրունքներէն մեզ հսկող Ազերի գինոյժը:



Աւաղ մեր այցին առջեւ կը պարզուէին հին ճանապարհը, Աղաւնուն ու Բերձորը պարապ եւ ամայի:

Առաջին օրը յաջորդաբար այցելեցինք «Հին Շէն» գիւղի 13 նպաստաւոր, «Մեծ Շէն» գիւղի 12 նպաստաւոր, «Լիսագոր» գիւղի 17 նպաստաւոր, «Եղ-ցահող» գիւղի 21 նպաստաւոր:

Ստեփանակերտ գիշերելէ յետոյ, յաջորդ առաւօտ ուղղուեցանք «Գահրավ» գիւղ մեր նպաստը հասցնելու թիւով 25 հոգինոց ուսուցչական կազմին:

ԹՄՄ-ի «Հովանատրէ Ուսուցիչ մը» ծրագրի օժանդակութիւնն էր որ կը ֆինանսաւորէր այս առաքելութիւնը: ԹՄՄ-ի Ամերիկայի եւ Գանատայի վարչական եւ Արթո Մանուկեանի ներկայութեամբ իրականացաւ այս առաքելութիւնը:

Բոլոր գիւղերուն մէջ ալ փրոֆ. Մելիքեան եւ Մուրատեան ինչպէս նաեւ Արթո Մանուկեան գնահատեցին շահառուներու նուիրումն ու յամառ կեցուածքը՝ չլքելով Արցախը: Գրուատեցինք իրենց հայրենաճամուր դիրքորոշումը որ չլքելով Արցախն սրաշտպան կը կանգնին մեր պայեմական հողերուն:

Վերադարձի ճամբուն, կանգ առինք նորակառոյց ճանապարհին սիմպոլիք ձեւով ընկոյզի հունդեր զետեղեցինք:

Փրոֆ. Մելիքեանի հիմնադրամը նախապէս 10 000 ընկուզենի ցանած էր յանձնուած հողերուն մէջ: Սիւս այս ճանապարհորդութեան ընթացքին՝ սկըսան առաջին հինգ ընկուզենիներով:

**«ՈՍԿԻ ՍԵՐՄԵՐ». ԵՐԱԽՏԱԳԻՏՈՒԹՅԱՆ  
ԵՎ ՀԱՐԳԱՆՔԻ ԿՐԹԱՍՐՑԱՆԱԿՆԵՐ**

«ՈՍԿԻ ՍԵՐՄԵՐ. երախտագիտության և հարգանքի կրթամրցանակներ» ծրագիրը «Հայ Չմեռ պապ» լրագրողական բարեգործական հիմնադրամի արձագանքն էր, հարգանքի տուրք՝ Արցախյան 44-օրյա պատերազմում զոհված համալսարանականների հիշատակին: Մի ամբողջ ոսկի սերունդ՝ հազարավոր պայծառ երիտասարդներ, իրենց կյանքը նվիրեցին Հայաստանի և Արցախի Հանրապետությունների պաշտպնության գործին: Հանուն մեր պետականության հերոսաբար մարտնչած արիության և



Մեկ լուսն լույթումը խոնարհում զոհված համալսարանականների հիշատակին

հայրենատիրական բացառիկ սխրանքներ գործած երիտասարդների սուրբած բուհերում նրանց անուններով կրթամրցանակներ ստեղծելով՝ նպատակ դրվեց ոչ միայն արձանագրել Արցախյան գոյամարտի ընթացքում զոհված հերոսների սխրանքը, այլև այդ երիտասարդ նվիրյալների անունները շաղկապել մեր երկրի կրթության և գիտության առաջընթացին: Հիմնադրամի ծրագրային առաջարկին արձագանքեցին ՀՀ 4 բուհեր՝ Երևանի պետական համալսարանը, Հայաստանի ամերիկյան համալսարանը, Երևանի պետական կոնսերվատորիան, Հայաստանի ֆիզիկական կուլտուրայի և սպորտի պետական ինստիտուտը: Այս պահին գործող մրցանակների թիվը 9-ն է, և լիահույս ենք, որ բարեարդների աջակցությամբ այն կավելանա:

ԵՊՀ 6 կրթամրցանակներից մեկը, որը գործում է արևելագիտության ֆակուլտետում, նվիրված է եզդի հերոսների հիշատակին: Մեր եզդի եղբայրները պատերազմին մասնակցել են ոչ միայն որպես զինապարտներ, այլև կամավորական 2 ջոկատ են կազմել և հայերի հետ միասին հերոսաբար մարտնչել են թշնամու դեմ: Այս մրցանակը սահմանվելու գաղափարը, որը ծնվել է արևելագիտության ֆակուլտետի լեզենդի՝ Բ.Գ.Թ., պրոֆեսոր Գուրգեն Մելիքյանի հետ երկար քննարկումից հետո և արժանացել է ֆակուլտետի դեկան, պ. գ. դ., պրոֆ. Ռուբեն Մելքոնյանի հավանությանն ու աջակցությանը, մեր երախտագիտության տուրքն է եզդի հերոսների հավատարմությանն ու քաջությանը:

Յուրաքանչյուր կիսամյակ արևելագետ ուսանողները հնարավորություն են ստանում մասնակցելու նախապես հայտարարված մրցույթին՝ ներկայացնելով իրենց ինքնակենսագրականները, բնութագրական նամակները և գիտական ստեղծագործական աշխատանքների ցանկը: Կրթամրցանակակրի ընտրության թափանցիկ ընթացքն ապահովվում է արևելագիտության ֆակուլտետի դասախոսներից և «Հայ Չմեռ պապ» հիմնադրամի ներկայացուցիչներից կազմված հանձնախմբի միջոցով: Կրթամրցանակի հավակնորդներից հաղթում են այն ուսանողներ/ասպիրանտները, որոնց ցուցանիշները հա-



Եզդի հերոսների հիշատակին նվիրված "Ոսկի սերմեր" կրթամրցանակի մրցույթային փուլն ամփոփում են ԵՊՀ արևելագիտության ֆակուլտետի նախկին և ներկա դեկանները՝ պրոֆ. Գ. Մելիքյանն ու պրոֆ. Ռ. Մելքոնյանը

մասպատասխանում են հետևյալ չափորոշիչներին. առաջադիմություն, նորարար միտք, քաղաքացիական դիմագիծ, եզդի համայնքի հետ կապ պահպանելու և այնտեղ կրթական ծրագրեր իրականացնելու պարտադիր հանձնառություն:

Շուտով կկայանա «Ոսկի սերմերի» արդեն 3-րդ մրցույթը: Ամերիկաբնակ բարերար դ-ր Անահիտ Տեր-Ստեփանյանի՝ հերոս եզդիների կրթամրցանակի համար սահմանած մրցանակային ֆոնդը նախորդ մրցանակաբաշխությունների ժամանակ եռապատկել է «Գուրգեն Մելիքյանի՝ Քաջաթաղի բազմազավակ ընտանիքների հիմնադրամը»: Ընդ որում՝ խրախուսական մրցանակների են արժանացել ոչ միայն արևելագետ, այլև հայ բանասիրության ֆակուլտետում գործող, Վարդան Ամասյանի խնկելի հիշատակին նվիրված կրթամրցանակի հավակնորդ բանասեր ուսանողները:

Կրթամրցանակների շրջանակի ընդլայնումն իրականացավ շնորհիվ այն բանի, որ «Հայ Չմեռ պապ» և «Գուրգեն Մելիքյան» հիմնադրամները բարեգործության նույն սկզբունքներն ունեն: «Այն, ինչ սվեցիր, քունն է հավիտյան, Այն, ինչ պահեցիր, կորած է հավերժ».– շուրջ 30 տարի այս է Հայաստանի և Արցախի Հանրապետություններում տասնյակ բարեսիրական ծրագրերի հեղինակ, մայր հայրենիքում և սփյուռքում անբասիր

համբավ ու հեղինակություն վայելող Գուրգեն Մելիքյանի հերոսական կյանքի փիլիսոփայությունը՝ օրինակ ու նշանդեղ և՛ բարեգործության ոլորտի մարդկանց, և՛ կյանք մտնող ուսանողների համար:

ԵՊՀ-ում արդեն ափանդույթ է դարձել կրթամրցանակների ամփոփման արարողությունը վերածել պատերազմի հերոսների հիշատակը հարգելու և նրանց սիրանքը փառաբանելու միջոցառման:

Կրթամրցանակաբաշխության արարողությունների ժամանակ հնչում են բուհի անմահացած ուսանողների կիսատ թողած գործը շարունակելու, Հայաստանը գիտահենք, զարգացած երկիր դարձնելու կարևոր պատգամներ: Հատկանշական է ԵՊՀ ռեկտոր, պ.գ.դ. Հովհաննես Հովհաննիսյանի խոսքն ուղղված կրթամրցանակակիրներին. «Դուք սա պետք է չդիտարկեք որպես հավելյալ եկամուտ. սա եկամուտ չէ, այլ պարտավորություն է ձեր ուսերին, որ է՛լ ավելի բազմապատկեր ձեր ջանքերը սովորելու ուղղությամբ»:

Արևելագիտության ֆակուլտետի դեկան, պ.գ.դ., պրոֆ. Ռուբեն Մելքոնյանն իր խոսքում նշեց, որ այս դրամաշնորհներն իրենց մեջ բարոյական և հոգեբանական առումով շատ մեծ խորհուրդ են պարունակում. «Այն ուսանողները, ովքեր ստանում են այս մրցանակները, երկու առումով են պարտավորված՝ կայանալ որպես լավ մասնագետներ, շարունակել հիշել այն գործը, որին իրենց կյանքն են նվիրել իրենց հասակակիցները կամ իրենցից մեծ, փոքր եղբայրները, այսինքն՝ այս մրցանակն իր մեջ պարունակում է հիշելու շատ կարևոր խորհուրդ՝ հիշելու այդ հերոսներին և հիշելու այն գաղափարը, որի համար այդ հերոսները զոհվեցին, հիշելու՝ այդ գաղափարը մոռացության հանկարծ չտալու համար, հիշելու՝ այդ

գաղափարն անտեսողների և սխալ ճանապարհ բարոգողների ձեռքը բռնելու ու կասեցնելու համար»:

«Հայ Զմեռ պապ» բարեգործական հիմնադրամի տնօրեն Արմինե Պետրոսյանը շեշտադրեց նաև կրթամրցանակների գաղափարի լուսաբանման կարևորությունը. մի կողմից՝ անմահացած հերոսների կենսագրության արժևորման, մյուս կողմից՝ կյանքի խնամտի փնտրուքի ու արհավիրքն արժանապատվորեն հայթահարելու ճանապարհին կանգնած հայրենատեր երիտասարդների գործունեության լուսաբանումները կարող են մոդել-օրինակներ դառնալ ետպատերազմական ժամանակի բազմաթիվ երիտասարդների համար:

Շատ կարևոր է, որ մրցանակի արժանացած ուսանողներն իրենց օղակն են ավելացնում բարեգործության շղթայական, ցանցային ծրագրերին. ի նշան երախտագիտության՝ արևելագետ-ուսանողները եզրիաբնակ Շամիրամ գյուղում սկսել են իրականացնել «Երկու ազգ, մեկ հայրենիք՝ Հայաստան» կրթամշակութային ծրագիրը:

**«Մեզ թաղեցին, բայց չգիտեին, որ մենք սերմեր ենք».** սա է «Ոսկի սերմեր. երախտագիտության և հարգանքի կրթամրցանակներ» ծրագրի կարգախոսը: Մրցունակ կրթությունն ու գիտությունն են այն հիմքերն ու հենասյուները, որոնց վրա պետք է կառուցվի Հայաստանի ապագան: Այս մասին են երազել մեր անմահացած հերոսները՝ մեր ոսկի սերմերը:

Մենք նրանց զարգացող Հայրենիք ենք պարտք:

ԱՐՄԻՆԵ ՊԵՏՐՈՍՅԱՆ  
«Հայ Զմեռ պապ» բարեգործական  
հիմնադրամի տնօրեն  
[www.haysanta.am](http://www.haysanta.am)  
<https://www.facebook.com/haysanta01/>  
Հեռ.՝ (374 55) 51 79 13



Վարդան Ամալյանի հիշատակին նվիրված կրթամրցանակի բննարկման ամփոփումը ԵՊՀ հայ բանասիրության ֆակուլտետում: Առաջին շարքում, ձախից երկրորդը զոհված հերոսի մայրն է, երրորդը՝ հայրը՝ ազատամարտիկ, Նշանավոր երգիչ-երգահան Դավիթ Ամալյանը:

**2022 թ. նոյեմբերից ցայսօր ստացված օգնություններ**

*(Նախորդ համարներում տպագրված ցուցակների շարունակությունը)*

№	Ամսաթիվ	Անուն, ազգանուն	Օգնության տեսակ	Գումարը ՀՀ դրամով	Գումարը ԱՄՆ դոլարով
20	11/8/2022	Արբի, Արին, Լինա Նազարյաններ	Օգնություն	117750	300 USD
21	11/8/2022	Ֆլորա Սարյան	Օգնություն	157000	400 USD
22	11/15/2022	Պարզյան Սիրամարգ	Օգնություն	10000	
23	11/28/2022	Վարդուհի Ներսիսյան	ԽԵԱ ծրագիր	196500	500 USD
24	11/30/2022	Մելիքյան Գուրգեն	Անմոռանալի, անչափ սիրելի Մարգո Օհանյանի հիշատակին՝ ի փոխան ծաղկեպսակի	20000	
25	11/30/2022	Լևոն Զուգասզյան	Օգնություն գրքերի ծրագիր	50000	
26	12/14/2022	Պարզյան Սիրամարգ	Օգնություն	10000	
27	12/15/2022	Պողոսյան Աշոտ	Գրքերի ծրագիր	19700	
28	12/15/2022	Անոնիմուս Ա.Բ.	Օգնություն գրքերի ծրագիր	80000	
29	12/15/2022	Երևանի գարեջուր ՓԲԸ	Օգնություն	1000000	
30	12/19/2022	Արամ և Տիգրան Խաչատրյաններ	Օգնություն	60000	
31	12/21/2022	Հակոբ Գույումջյան	Օգնություն	117900	300 USD
32	12/26/2022	Կիրակոս Գույումջյան	Օգնություն	120000	
		<b>Ընդամենը՝</b>		<b>1958850</b>	<b>1500 ԱՄՆ դոլար</b>

**2022 թ. սեպտեմբեր-դեկտեմբեր ամիսներին անվանական կրթաթոշակ ստացածների ցուցակ**

1	10/25/2022	ԵՊՀ հիմնադրամ	Նազելի և Դավիթ Չարչյանի անվան կրթաթոշակ, Գասպարյան Աննա, ֆարմացիա, 4-րդ կուրս	30000
2	11/15/2022	ԵՊՀ հիմնադրամ	Նազելի և Դավիթ Չարչյանի անվան կրթաթոշակ, Գասպարյան Աննա, ֆարմացիա, 4-րդ կուրս	30000
3	12/13/2022	ԵՊՀ հիմնադրամ	Նազելի և Դավիթ Չարչյանի անվան կրթաթոշակ, Գասպարյան Աննա, ֆարմացիա, 4-րդ կուրս	30000
4	10/25/2022	ԵՊՀ հիմնադրամ	Ստեփան Ալաջաջյանի անվան կրթաթոշակ, Միրաքյան Էլեն, հայ բանասիր. 4-րդ կուրս	30000
5	11/15/2022	ԵՊՀ հիմնադրամ	Ստեփան Ալաջաջյանի անվան կրթաթոշակ, Միրաքյան Էլեն, հայ բանասիր. 4-րդ կուրս	30000

6	12/13/2022	ԵՊՀ հիմնադրամ	Ստեփան Այաջաջյանի անվան կրթաթոշակ, Միրաքյան Էլեն, հայ բանասիր. 4-րդ կուրս	30000
7	10/25/2022	ԵՊՀ հիմնադրամ	Խորեն Պալյանի անվան կրթաթոշակ, Հայրապետյան Անգելինա, հայ բանասիր 3-րդ կուրս	20000
8	11/15/2022	ԵՊՀ հիմնադրամ	Խորեն Պալյանի անվան կրթաթոշակ, Հայրապետյան Անգելինա, հայ բանասիր 3-րդ կուրս	20000
9	12/13/2022	ԵՊՀ հիմնադրամ	Խորեն Պալյանի անվան կրթաթոշակ, Հայրապետյան Անգելինա, հայ բանասիր 3-րդ կուրս	20000
10	10/25/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Մարտիրոսյան Անահիտ	10000
11	10/25/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Անդրեասյան Ալբերտ	10000
12	10/25/2022	Ռ. Մելիքյանի անվան երաժշտ. քոլեջ	Լուսինե Չաքարյանի անվան կրթաթոշակ, Մանուկյան Ալիսա	10000
13	10/25/2022	Կոմիտասի անվ. պետ. կոնսերվատորիա	Լուսինե Չաքարյանի անվան կրթաթոշակ, Միմոնյան Լիանա	10000
14	10/28/2022	Շ Ազնավուրի անվ. մշակ. և արվեստի պետ. քոլեջ	Լուսինե Չաքարյանի անվան կրթաթոշակ, Ստեփանյան Եսթեր	20000
15	11/15/2022	Շ Ազնավուրի անվ. մշակ. և արվեստի պետ. քոլեջ	Լուսինե Չաքարյանի անվան կրթաթոշակ, Ստեփանյան Եսթեր	10000
16	11/15/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Մարտիրոսյան Անահիտ	10000
17	11/15/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Անդրեասյան Ալբերտ	10000
18	11/15/2022	Ռ. Մելիքյանի անվան երաժշտ. քոլեջ	Լուսինե Չաքարյանի անվան կրթաթոշակ, Մանուկյան Ալիսա	10000
19	11/15/2022	Կոմիտասի անվ. պետ. կոնսերվատորիա	Լուսինե Չաքարյանի անվան կրթաթոշակ, Միմոնյան Լիանա	10000
20	12/13/2022	Շ Ազնավուրի անվ. մշակ. և արվեստի պետ. քոլեջ	Լուսինե Չաքարյանի անվան կրթաթոշակ, Ստեփանյան Եսթեր	10000
21	12/13/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Մարտիրոսյան Անահիտ	10000
22	12/13/2022	Ա. Բաբաջանյանի անվ երաժշ. քոլեջ	Լուսինե Չաքարյանի անվան կրթաթոշակ, Անդրեասյան Ալբերտ	10000
23	12/13/2022	Ռ. Մելիքյանի անվան երաժշտ. քոլեջ	Լուսինե Չաքարյանի անվան կրթաթոշակ, Մանուկյան Ալիսա	10000
24	12/13/2022	Կոմիտասի անվ. պետ. կոնսերվատորիա	Լուսինե Չաքարյանի անվան կրթաթոշակ, Միմոնյան Լիանա	10000



*Դահիրավ գյուղի դպրոցի հյուրընկալ աշխատողների հետ*

ՊԼԽԱՎՈՐ ԽՄԲԱԳԻՐ՝ ՄՈՒՐԱԴՅԱՆ Ս. Պ., ք. գ. դ., պրոֆեսոր

ԽՄԲԱԳՐԱԿԱԶՄ՝

ԱՎԱԳՅԱՆ Ա., ք. գ. դ., պրոֆեսոր  
ՄԵԼԻՔՅԱՆ Գ., ք. գ. թ., պրոֆեսոր  
ՍԱՖԱՐՅԱՆ ԱԼ., պ. գ. թ., պրոֆեսոր

Շարվածքը և ձևավորումը՝ Ս. Մուրադյանի:  
Տպաքանակը՝ 99:

Թերթը բաժանվում է անվճար:  
Հասցեն՝ Երևան 0025, Արուսյան 52 Ա, հայ  
բանասիրության ֆակուլտետի մասնաշենք, 212  
սեն.:  
Հեռ. 060710617; 055522936, 552537, 060522936